



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

De Praepositis & eorum Capitulis, qualiter erga se invicem habere
debeant. 12

urn:nbn:de:hbz:466:1-14298

*Pistrina
cur in Col-
legii ha-
benda.*

reprobamus ; super hoc ita præcipimus, quod in omnibus Ecclesiis Collegiatis habeatur commune pistrinum , & panis ibi Præbendalis distribuatur potius quam unusquisque cum modio sive maldro annonam panis Præbendalis recipiat ad vendendum. Ex hac namque venditione perit hospitalitas in Ecclesiis, cum in ipsis pauci vel nulli reperiantur , panem suum in domibus comedentes Claustralibus, vel egenis inde Eleemosynam tribuentes.

XII. *De Præpositis & eorum Capitulis,
qualiter erga se invicem habere
debeant.*

*Præpositi
Officium.*

Onsequester de Ecclesiistarum Præpositis videamus , qualiter ipsi erga Capitula se habere debeant , & qualiter Capitula erga ipsos vice versa. Cum enim ipsis Præpositis ea potissimum incumbat solertia, quod circa Ecclesiæ exteriora vel ejus temporalia defendenda sint vigiles & cooperantes Capitulis , ubi cunque injuriam patiuntur , qualiter ab illis injuriis releventur, Nostro (prout eis opus fuerit) auxilio accedente , & non solum ad hujusmodi temporalia promovenda exterius teneantur , immo ad omnia alia , tam intus quam extra , quæ sunt ad Ecclesiæ utilitatem & pacem spectantia, nec non ad ipsius Ecclesiæ Iura , Statuta honesta & bona consuetudines observandas teneantur ex proprio juramento: ipsis præcipimus , circa hæc omnia taliter se habere , quod inde irreprehensibiles censeantur.

*Quid de-
beatur
Præpositis.*

Capitula etiam vice verâ ita se erga ipsos habere Præpositos studeant in omnibus , honoroando ipsis in quibus sunt merito honoriandi , quod in nullo ipsorum Præpositorum Dignitati derogent sive iuri. Et, quia de aliquibus Præpositis unum quidem in Visitatione comperimus reprehensibile & non laudandum , quod ipsis fructibus suspensarum in Ecclesiis Præbendarum , quorum sunt & esse de Iure tenentur Dispensatores , (illi præfertim , qui dictos fructus nondum in Capitula transfluerunt) abutuntur : cum enim de ipsis fructibus, uno eis anno cedentibus , tecta Ecclesiæ , quando foret necessitas , reparare deberent, ipsi ea non reparant ; immo fructus ipsos Canonicis inobedientibus, ideoque suspensi, restituunt seu remittunt : ecce, per hanc remissionem , injuriam fabricæ Ecclesiæ faciunt , damnum seu emolumenti parentiam sibi ipsis, ac insuper occasionem negligentiae & abessendi ab Ecclesia, Canonicis suis, præstant. Hanc itaque abusionem , omni penitus ratione ac etiam colore carentem , ipsis de cætero Præpositis inhibemus ; volentes , ut vel ipsi retineant (convertendos in utilitatem propriam) illos fructus , si Ecclesia eorum , opus non ha-

buerit reparatione tectorum, vel Ecclesiæ ipsi ad ornamenta fructus hujusmodi largiantur, potius quam eos indignis, hoc est, inobedientibus, restituant , & in sua inobedientia seu dissolutione taliter animent , ac si ipsi Præpositi dissolutionis ac inobedientiae sint autores.

Item , quod ipsi Canonici, qui suspenſi fuerint pro sua inobedientia , nunquam in facie Fratrum intra Immunitatem compareant manifeste , firmissime præcipimus & mandamus.

XIII. *De electionibus Capitulorum.*

Item , ne in præsentis Nostræ Visitationis proposito omittamus hoc, per quod maxime Ecclesiistarum Collegiatarum quieti prospicitur , illarum præsertim quæ plurim Clericorum receptionibus ad vacatura Beneficiis sunt gravatae , cum constitutio Domini Alexandri Papæ , super hoc ipso decreverit providere; Nos illam constitutionem præcipimus inviolabiliter observari, ut, cum juxta eandem constitutionem , quatuor ex receptis ante ipsam, provisum fuerit de Præbendis quæ post constitutionem prædictam vacaverunt vel vacabunt , ubi nondum quaternarius est completus, alii, ultra ipsum numerum existentes , habentur pro caſſatis , nec aliquo modo ex receptione tali à Præpositis , Decanis & Capitulis Ecclesiistarum , pro Canonicis vel Præbendariis admittantur. Et monemus illos, qui receptioni hujusmodi innituntur , & de Canonicatu & Præbenda se ingesserint , quod deinceps omnino desistant. Præpositos autem , Decanos & Capitula nihilominus admoneamus , ut tales pro Canonicis vel Præbendariis non admittant.

XIV. *De Immunitatibus, & muris
carum.*

Vero omnes Ecclesiæ Collegiatæ , Immunitates suas , muro circumdatas , & clausuras portarum, bene munitas habeant, firmissime præcipimus & mandamus.

Hæc itaque Nostræ Visitationis præcepta canonica & statuta , ita à Nobis edita, præcipimus inviolabiliter observari: & unumquodque Collegium ea in scripto ad sua exemplar & regimen vitæ recipiat, & recepta, penes se in perpetua commendatione memorie teneat diligenter. Hæc ita ad præsens statuimus, salvo Nobis, quod alia, si qua adhuc occurrerint, opus habentia Reformationis aut correctionis remedio , sive de Canonicis aut Monachis aut etiam Plebanis existant, ea statuamus, ut inde, prout expediens fuerit , loco & tempore ordinemus. Pronunciatum & Datum Coloniae, quarto Idus Martii , anno Domini millesimo ducentesimo sexagesimo.

E IV S-